

EX LIBRIS
ILLVSTRISSIMI VIRI,
DN. DAN: LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.

++

Nf 45.
44

Trostschrieff

An den Durchlau-

Heigen / Hochgebornen Fursten
vnd Herren / Herren Johan Wihelmen /
Hertzogen zu Gultich / Cleue vnd Berg / Graffen zu
der Mark / vnd Rauensberg / Herrn zu Rauenstein / 2c.
Welcher mit hochbekummertem gemute / vnd Fürstli-
chem betrubtem hertzen / wegen des vnuersehen tod-
lichen abgangs / des Durchlauchtigen Hochgebornen
Christlichen Fursten vnd Herren / Herren Wihelms /
Hertzogen zu Gultich / 2c. seiner Fürstlichen gna-
den Herren Batters / Christmiltzer vnd
hochloblicher gedechtnis
beladen.

Der mit hertzlicher andacht /
Christlichem erkentnis / vnd bekentnis des HERREN
Christi / seliger anruffung / vnd bestendiger hoffnung
der ewigen seligkeit . zu Dusseldorff an der heiligen
drey Konigen tag abend / des sechsten Januarij /
1570 nouo / in Christo selig entschlaffen.

Gesest zu trost vnd einent lang-
wirtelloblichen gedechtnis /

Durch

M. Aetelarium Erhiltzrum Vnstohtum.



6.



Faint, illegible text, likely bleed-through from the reverse side of the page. The text is arranged in several lines and appears to be in a historical script, possibly Gothic or similar. The ink is very light and difficult to discern against the aged paper.

Partial view of text from the adjacent page on the right, showing a vertical column of characters.





Drchlau-

chziger / Hoch-

geborner Fürst / Ewren
Fürstlichen G. sey mein de-
mütiges Gebett / für der selbi-

gen zeitliche vnd ewige Himlische wolffahrt / neben
meinem vnterthenigen geforsamen dienst / je-
derzeit zuuor: gnediger Herr. Ich habe mit gros-
ser bekümmerniß vnd betrübten hertzen gehört /
das der liebe Gott E. F. G. hertzgelibten Herren
Vatter / den Gottseligen Christlichen Fürsten / wel-
cher ein heller Spiegel aller Fürstlichen tugenten
gewest / von diesem betrübten jamertal / in seinen
Himlischen fröwen saal / durch den zeitlichen tod
abgefordert / vnd auß einem irdischen Fürsten / ei-
nen Himlischen Hertzog vnd Fürsten gemacht / vnd
kan wol erachten / das durch solchen Todesfall / E.
F. G. fürstliches hertz / zum hochsten bekümmert
vnd betrübet / Denn was da siebet / das leydet.
Vnd ist ie war / Gottes huld / des gewissen vn-
schuld / Christliche gedult / gesunder Leib / ein trew-
hertzigen Vater. Vber diese fünff gaben / kan man
bessere zwischen Himmel vnd Erden nicht haben.
Ich trage auch ein hertzlich Christlich vntertheni-
ges mitleyden mit E. F. G. Vnd bitte meinen

A 2

sieben

lieben Gott/von grund meines hertzens/er wölle
ja E. F. G. in solchem schweren betrübten Creutze/
vmb seynes hertzallerliebsten Sohns/vnsers ge-
trewen Erlösers Ihesu Christi willen / mit dem
hochwirdigen heiligen Geist/dem höchsten Tröster
in aller noth/aller gnedigst / lebendigen/ krefftigen
trost in jr Fürslichs hertz sprechen/das sie den vn-
wiederbringlichen willen des lieben Gottes/mit be-
horlicher ungedult nicht widerstreben/sondern jrē
Fürsliche willē in seinen gnedigē willē stelle möge.

Wiewol mir aber nicht
vnbewust / das E. F. G. viel feiner
Geistreicher Lehrer haben/ denen ich das Was-
ser nicht reichen kan / die E. F. G. mit reichem
trost/auf dem rechten Trostbecher des Göttlichen
worts (darauf wir allein in der hitze der anfech-
tung/darin vns der vorfluchte Satan vnd mordt
geist/einiger noth ersticken wil) erquicken vnd ster-
cken/ Jedoch hab ich auß Christlichem trewhertzi-
gem gemuth/diese einfeltige Trostschrift/aus vn-
sers lieben getrewen fromen Gottes Himlischen
Apotecā / an E. F. G. stellen wöllen/vntertheni-
ger zuvorsicht/E. F. G. werden darob nicht allein
nicht ein vngnediges misgefallen tragen/sondern
auch mein Christlich vnterthenig mitleyden spü-
ren vnd vermercken. Darumb ich denn hiemit vn-
terthenig gebeten hab: n wil.

Als nun E. F. G. vber sol-
chen tödlichen abgang hertzlich bekummert

ist/ist E. S. G. darumb keynes weges zuorden-
den/denn Gott der Schöpffer vnd Brunquell al-
les guten / solche sehnliche natürliche neigung in
aller Menschen hertzen gepflantzet/das wir dar-
bey seyner Barmhertigkelt/grundlosen liebe/vnd
Väterliches mitleidens/das sein Allmacht mit vns/
in vnserm betrübten zustande tregt / warnemen/
Vnd solche sehnliche liebe/vnser Hauptprediger sein
lassen / das wir vns zu dem viel fromen wolthe-
tigen Gott/alles guten/lieb vnd trew ver sehen sol-
len/das er jme all vnser not vnd jamer/ viel neher
vnd mehr zu hertzen gehen lasse/ als wir vns die-
selb zu gemüth führen. Er gebeuth auch das wir
trawren sollen/als ob vns ein grosses leyd begeg-
net/vnd je edler helden Naturen sein/je mehr vnd
mehr sie jnen solche betrübte fell / zu hertzen vnd
gemüte gehen lassen.

Doch sollen die Christen

nicht wie die Heyden trawren / die keyne
hoffnung haben/1. Thess. 4. Sondern Christliche
mass vnd bescheidenheit/durch handreichung vñ wir-
kung des heiligen Geistes halten / vñnd sich auß
Gottes heilwerdigem wort/bestendiges vnd kreff-
tiges trostes erhalten/vñ sich darauff wie ein hirsch
mit frischem wasser erquicken/Psal. 42.

1. Thess. 4.

Psal. 42.

Anfenglich aber/wolle E. S.

Gnediglich betrachte/Wer derselben kertz
liebsten Herrn Vatter von himen abgefördert/nē-
lich der Allmechtige gütige Got/der alle vnser haar

auff vnserm Heupt gezehlet/das derselben keynes
 ohne seinen willen auff die Erden fallen kan/ das
 auch nicht ein Sperling ohne seynen willen ver-
 kauft wird/ Matth. 10. Viel weniger kan ein
 Mensch ohne seinen willen sterben/der zum Bil-
 de Gottes erschaffen/ Genes. 1. Nicht mit Silber
 oder Gold / sondern mit dem teuren Blut Ihesu
 Christi erlöset vnd erkauft/mit dē heiligen Geist
 verpfendet/ vnd auff den tag seiner erlösung ver-
 sigelt/ Ephes. 4. Auff welchen die heiligen Auser-
 werten Engel bescheiden/das sie ime auff den dienst
 wärtten/Matth. 18. Ebre. 1. Eine Wagenburg
 omb in schlagen/ Psalm. 34. Vnd im ire hende
 vnterbreyten/ Psalm. 91.

Unser zeit stehet in Gottes
 henden/Psalm. 21. Gott hatt vns ein ziel
 gesteckt/das wir nicht überschreiten können. Die
 zall vnser Wunden stehet bey ihm/10. Job 14.
 All vnser tag sind auff sein Buch geschriben/die
 noch werden solten / vnd derselbigen keyner da-
 war/Psalm. 129. Gott machet die Menschen wie-
 der zu Erden/vnd bestimmet inen die zeit ires le-
 bens/ Sprach 17. Er leset die Menschen sterben /
 Psalm. 90. Er sorget trewlich für vns/Psal. 40.
 55. 1 Pet. 5. Er bewaret all vnser Gebeine/ das
 der keyns zerbrochen wird/Psal. 34. Na er zehlet
 all vnser schritt vnd tritt/ fasset alle vnser threnen
 in seynen sack/ohn zweiffel zehlet er sie/Psal. 56.
 Der Hüter Israel schlefft noch schlumert nicht /
 Psalm. 121. Weil

Psal. 31.

Iob. 14.

Psal. 139.

Psal. 90.

Psal. 40.

1 Pet. 5.

Psal. 34.

Psal. 56.

Psal. 121.

Weil denn Gott / alleine

gut ist / Matt. 19. Ein guter Baum aber
keine böse fruchte bringen kan / Matt. 7. 12. Vnd
alles was er ordnet löblich vnd herrlich ist / Psal.
III. Wir auch in vnserm Vater vnser täglich be-
ten / Dein wille geschee / so sollen wir billich vnsern
eigen willen brechen / vnd in seinen gnedigen Be-
terlichen willen stellen / Vns nicht selbst mit vor-
geblicher sorge kranken vnd tödten / Wledenn die
trawrigkeit tödtet / Syr. 30. 2. Cor. 7. Auch vns
wieder Gott nicht aufflehnen / vnd vbel erger ma-
chen / Weyß wir ime nichts abtrotzen können / vnd
er vor vnserm zorn gebawet.

Job verlor auff einen

Tag zehen Kinder / mit einem schnellen vn-
vorschnlichen tod / noch war er gedültig vnd sprach:
Der Herr hats gegeben / Gott hats genommen /
der Name des Herren sey gelobt / Job 1. So sa-
get Heli / 1. Sam. 3. Er ist der Herr / er thue was
im gefelt. Hiskia der König stellet seinen willen
auch in Gottes willen / 2. Reg. 20. Freisch macht al-
les Creutz süß / treglich vnd gut / Christliche gleubi-
ge gedult vnd wolgemuth. Also gab sich der Kö-
nig David sein zu frieden / da sein Söhnlein starb /
Wie peinlich vnd kleglich er sich auch in seyner
krankheit stellet / vnd sich gar nicht trösten lassen
wolte. Vnd do er derwegen von seinen Dienern
zur rede gesetzt worde / da antwortet er inen / vmb
das

Matt. 9.

Matt. 7. 12.

Psal. III.

Syr. 30.

2. Cor. 7.

Iob. 1.

1. Sam. 3.

2. Reg. 20

1. Sam. 12.

das kind weinete/ vnd fastete ich/ do es lebete/ Denn ich dachte / Wer weiß ob mir der HERR gnedig würde/ das das kind lebendig bleibe/ Nu es aber tod ist/ was soll ich fasten/ Kan ich in auch wieder holen? Ich werde wol zu im fahren/ aber es kömpt nicht wieder zu mir/ 2. Sam. 12.

Esa. 45.

WESO soll vnd mus ein

Christ vermittelst Göttlicher verleihung/ auß der vnwiederbringlichen nott/ eine tugent machen/ Vnd weylstrawren nicht lang kan tawren. Gott auch dem jenigen/ der mit seynem Schöpfer hadert . Nemlich / der scherwe mit dem Döpffer des Ehons / das weh trawet/ Esa. 45. So sollen wir in dem hochbetrübtten leyde/ in betrachtung Göttliches gnediges willens/ vnd sonderlicher schickung/ wenn die vnsern auß diesem betrübtten/ vnruhigem leben/ zur ewigen ruhe abgefordert werden/ vnserre Seele mit gedult fassen.

Luc. 2.

Um andern wolle auch E.

S. G. gnediglich zu gemütheführen/ wen der liebe Gott von hinnen gefordert/ Nemlich/ einen sterblichen Menschen/ dem von wegen der sünden einmal zu sterben gesetzt ist/ Gen. 3. Rom. 5. 6 1. Cor. 15. Heb 9 Wo ist imand der da lebt/ vnd den Tod nicht sehe/ Psal. 89 Wir müssen dahin gehen/ wie alle Welt/ Jos. 22. 2. Reg. 2. Wieder des Todes krafft arünet leyne krautes safft/ wir haben nichts gewissers denn den Tod/ nichts ungewissers

Gen. 3.

Rom 5. 6.

1. Cor. 15.

Heb. 9.

Psal. 89.

Ios. 22.

2. Reg. 2.

wissers aber denn die stunde. Sterben ist vnser er-
be/ Der Tod ist eine vnumbgengliche noit/ Heute
rott/ vnd morgen tod / Heute starck/ morgen im
sack / Heut lieb vnd werd/ morgen werden wir
das vnser nimants begert/ vnd ligen in der erd/
Müssen gelt vnd felt lassen. Siß leben ist vns
nicht zur Ehe gegeben/ wir haben keynen Erbste-
den darein gesetzt / sondern sind Pilgram vnd
Fremblinge/ Gen. 47. Psalm. 39. 1. Pet. 2. Ha-
ben hir keyne bleibende stede/ Heb. 13. Die irdi-
dische Hütte muß dermals eins abgebrochen wer-
den/ 2. Cor. 5. 2. Pet. 1. Vnser wouung/ Vater-
terland vnd Burgerschafft ist im Himmel/ 3d 14.
Philip. 3. Darzu sind wir fürnemlich von Gott
dem Vatter erschaffen/ von Gott dem Sone er-
löset/ vnd von Gott dem heiligen Geist geheiligt.

Gen. 7.
Psal. 39.
1. Pet. 2.
Heb. 13.
2. Cor. 5.
2. Pet. 1.
Ioh. 14.
Phil. 3.

WE man sich nun niche
drob verwundert wenn ein Glas zer-
bricht/ oder ein irdener Dopff zerfället / oder ein
Holtz verbrennet: Also sollen wir vns auch nicht
drob verwundern / wenn ein sterblicher Mensch
stirbet. Vnd wie es erbar/ recht vnd billich ist/ das
wir das jenige/ das wir geborget danckbarlich wie-
der geben: Also sollen wir Gott die vnsern / auch
vnser selbsteigen lerb vnd leben / das vns der
liebe Gott mit dem vorbehalt gelihen / das ers
jederzeit/ seynes aefallens wieder abfordern wol-
le/ nicht mit vngedult vor enthalten/ oder vns wie-
der en streuben.

¶ Dero

Serowegen sollen E. F. G.

Sich wol herzig und schmertzlich darob betunnen/ das sie irs lieben Herren Vatters/ Christmilters gedechtnis/ irs gar getrewen werden schatzes/ vnd ober alle massen herrliches kleints ein zeitlang beraubet / seiner freudigkeit / rahts vnd thats entwehren müssen/ wie es denn ein bitter groß hertzleyd ist/ wenn Vatter vnd Son/ die sich freudlich mit emander gelinet vnd gemeinet/ im lieb vnd leyd/ glück vnd vnglück/ mit raht vnd that/ getrewlich zasamen gesetzt/ sich durch den zeitlichen tod scheiden sollen/ scheiden bringet je leyden / So sollen doch E. F. G. sich dessen freuen/ das der frome Gottselige Fürst / seine nott vnd jamer seliglich verstanden/ die wir noch vor vns haben.

Wie wir vns nun von hertzen freuen/

wenn wir eine grosse vnsegliche gefahr/ dero wir keinen vmbgang haben können/ überwunden/ vnd hinder ruck gelecht : Also sollen wir vns auch von hertzen freuen/ das die vnsern solche nott selig überwunden.

Vum dritten/ wolle E. F. G.

auch tröstlich behertzen / von wannen ihr Herr Vatter abgefodert/ Nemlich von dem betrubten/ vnrhuygen/ vnstetigen jammer/ weinen vnd zehrenthal/ darinnen nichts dan jamer vnd nott/

bis

bis in den tod ist/da jmer ein vnglück dem andern
die handt beuth/ehe sich eines recht endet/so erhebt
sich ein anders Gott hatt ihre z. G. vor dem vn-
glück weggerafft/zum friede vñ ruhegebracht/ Esa.
56. Vnd auß dem leben vnter den Sündern weg
genommen vnd hingerüdet/ Sap 4 Das seyne
augen das vnglück nicht sehen sollen/Wie er denn
Josiam den König/ 2. Reg. 25. 1. Chron. 35.
auch vor dem vnglück weggenommen/wie wir vn-
ser liebe Kinder/ auß wassers/ fegurs/ oder ander
todes gefahr reissen/das sie nicht darinnen verderbē.

O Welt merck auff vnd dich für/
Groß jamer steht für deiner thür.
Mit großem Krieg vnd hungers nott/
Mit Pestilentz vnd schnellem tod.
Die gantze Welt belagert ist/
Wol dem der wol gestorben ist.
Solch straff abt so wir empfinden/
Kömpft alls von vnsern schweren sünden/
Vnd and'barkeyt vnd vnglaub her/
O Gott gib vns erkenntnis der.
Darmit wir vns zu penitentz/
Rehren zu dir durch abstinents
Auff das wir wol gefallen dir/
Vnd solchem vnglück kommen für.
Die straff deins zorns nicht exequirt/
Vnd wir nicht ewig condemnirt.
Durch dein Son vnsern Saluatorem/
Der vns erlost/da wir verlohren.
Amen.

Wie

WENN nun einem wanders

man am besten ist/ zumal/ wenn er sich ei-
nes trüben wetters/ oder eines mordtlichen vber-
falls von Reubern befahret/ oder wie der sich von
hertzen fremet/ der auß dem vngestümen Meer/
am ersten offer anlanget : Also ist der am aller
besten dran/ der von der betrübten reyse vnd wal-
fard am ehesten in sein himlisch Vaterlant kömpt/
vnd auß dem toden Meer der sünden/ an das ge-
wündschte freudenreiche offer der ewigen freud
vnd seligkeyt anlangt/ Wie sich auch E. S. G. von
hertzen wurden gefremet haben/ wan jr Herr Va-
ter auß grosser Todes gefahr errettet wer : Also
sollen sie sich auch von hertzen freuen / das seyn
E. S. auß diesem nottfall vnd gewlichen Ker-
cker dieses lebens erlöset/ vnd vollkömlich recht frey
w orden ist.

Zum vierten/ soll auch E.

S. G. betrachten / zu welcher zeyt der liebe
getrewe Gott/ seyn E. S. von hinuen abgefor-
dert/ Nemlich/ zu der aller betrübtesten/ kummer-
lichsten/ gefehrlichsten mühseligsten zeyt / da die
Welt gewiß auff der Todtenneige ist/ da fast ni-
mand weiß/ wer Koch oder Keller ist / Da es so
gar wüst/ in lehr/ wehr/ vñ Neherstand das ist/ Im
Geistlichen/ Wellichen/ vñnd heußlichem Regi-
ment zustehet / Wie wir sehen / wie es jetzt gehe
vnd stehe/ wie angst/ wehe vnd bang den Leuten /
nach ?



nach der Prophecey des Herren Christi/ Matt.
 24. Luc. 21. werde. Wie so mancherley beschyn er-
 liche Ketzerrey/als eine Sündfluth einreissen/ vnd
 alles den letzten bruch brechen wil. Gott hat die
 Ruthen gebunden / ja das Schwerdt zu wetzen
 vnd fegen gegeben / Ezech. 21. Die Art ist den
 Beumen an die Wurtzel/ sie abzuhaueu gesetzt/
 Matt. 3. Er ist des erbarmens müde / vnd wil
 vns mit der Wurffschauffel zum lande auß
 worffeln/ Jerem. 15. Wie nun die Eltern ihre
 hertzliche Kinderlein / fur einem grossen Krieg/
 Pestilenz/ fewr oder Wasser weg schicken/ das sie
 nicht in solchem vnfall vorderben/ also nimpt auch
 vnser lieber Himlischer Vater / seine hertzliebste
 Kinder/ die Christen/ fur dem vnglück hinweg/ zeucht
 sie auß der Trauff/ kan es ober sein Väterlich hertz
 nicht bringen/ das er sie solche not soll erlebē lassen

Matt. 24.
 Luc. 21.
 Ezech. 21.
 Matt. 3.
 Jerem. 15.

Zum funfften hat sich auch

J. E. G. der zu trösten/ das jr Herr Vater
 nicht mit falscher Lehr vergiffet vnd angesteden
 gewesen/ das er nicht einen bösen schnellen tod ge-
 nomen / sondern ohn alle klag/ weh vnd schmer-
 tzen/ ohne langwiriges lager/ mit hertzlicher an-
 dacht/ Christlichem erkentniß vnd bekenntniß des
 Herren Christi/ sehnlicher anrufung/ vnd besten-
 diger hoffnung der ewigen seligkeit/ Christlich vnd
 sanfft entschlaffen/ den tod nicht geschmeckt/ Joh. 8.
 Auch nicht ins gericht kommen/ sondern durch den
 Todt in das ewige leben getrungen ist/ Joh. 5.

Joh. 8.
 Joh 5.

B 3 zum





Zum sechsten / sol diß E. F.

G. fleißig bewegen / wohin E. F. **G.** Herr
Vater gefahren / Nemblich in den Himlischen
fremdensaal / zu seinem hertzallerliebsten Bruder
Christo Ihesu / Psalm. 45. Ose. 2. Matt. 9. 2.
Cor. 11. Eph. 5. Er ist auß dem reich des glau-
bens / in das reich des schawens / auß dem gnaden-
reich Christi / in sein großmchtig ehrenreich trans-
ferirt vnd versetzt / seine liebe Seele ist von den
Engeln in den schoß Ihesu Christi / da sie keyne
qual rühret / wie Lazari Seel in den schoß Abra-
hee / Lu. 16. getragen / Ethet Gott von Angesicht zu
angesicht / 1. Cor. 13. Ist mit dē beferten Schecher /
bey Christo im Paradeiß / Luc. 21. Ist bey seinem
lieben HErrn Christo / Jo. 12. 14. 17. Phil. 1. Hat
geminschaft mit dem Vater vnd Son / 1. Joh. 1.
Istet vnd trincket / ist frölich vnd jauchtzet vor gu-
tem mut / Esa. 65. Hat fremde die fülle / vnd ein
liebliches wesen zu seiner rechten ewiglich / Psalm.
16. Ist recht satt. Psalm 17. Wird mit wollust
getrencket / wie mit einem strom / Psalm. 36. Ernet
mit freuden ein. Psalm. 126. Leucht wie die Son-
ne vnd des Himels glantz / Daniel 12. Ja wie
die Sonne jmer vnd ewiglich / Matth. 13. Der
HErr hatt in mit großer / ist mit ewiger gnad
versamlet / Esa. 54. Er hat eine ewige / vnd ober
alle maß wichtige herrligkryt erlanget / 2. Cor. 4.
Die hiebeuor keyn auge gesehen / kein ohr gehöret /
auch in keynes Menschen hertz nie gestigen ist /

- Psal. 45.
- Ose. 2.
- Matt. 9.
- 2. Cor. 11.
- Ephes. 5.

- Luc. 16.
- 1. Cor. 13.
- Luc. 21.
- Joh. 12.
- 14. 17.
- Phil. 1.
- Akt 7.
- Esa 65
- Psal. 16.
- Psal. 17.
- Psal. 36.
- Psal. 126.
- Dan. 12.
- Matt. 13

- Esa. 54.
- 2. Cor. 4.

1. Cor.



1. Corin. 2. Gott hat ihn den Irwidern aufge-
zogen/ vnd in mit fremden gegurdet/ Psalm. 30.
Alle seine Ehrenen von seinem Angesicht abge-
wischen/ Esa. 25: Apocal. 7. vnd 21. Irwidern
vnd seufftzen ist ferne von ihm / fremd vnd won-
ne hat sein Haupt erariffen/ Esa. 35. Das er nun
mit Daud Psalm. 116. sagen kan/ Sey nun wie-
der zu frieden meine Seele / denn der Herr thut
dir guts/ Vnd ist gewiß vnter dem zall/ dauon A-
poc. 14. geschriben steht / Selig sind die Tod-
ten die in dem Herren sterben/ von nun an / Ja
der Geist spricht/ Das sie ruhen von irer arbeit/
denn ire wercke folgen inen nach.

Zum stebenden vnd letzten/

Wollen E. F. G. gnedig behertzigen/ das der
selber gelibter Herr Vater/ nicht verlohren / son-
dern zuuorn vorkin gesandt / abitt non obitt,
praemissimus non amissimus eam. Sein Leib ru-
het sein sanfft in seinem Ruhbetlein/ das der Herr
Christus/ das allerhöchste Heiligthum/ mit sei-
nem allerheiligsten Leib geheiliget vnd gewermet/
wirdt am Jüngsten tage/ durch die 70 saunen vñ
Festgeschrey des Erztengels/ 1 Cor. 15. 1. Thess. 4
wieder aufferwedet/ dem verklärter Leibe Christi
enlich gemacht werden / Philip 3. allda nicht al-
lein E. F. G. sondern auch der gantzen heiligen
Dreifaltigkeit vnd allen Auferwelten Engeln/
vnd Christgleubigen Ewiglich bey wohnen /
das

1. Cor. 2.
Psal. 30.
Esa. 25.
Apoc. 7.
vnd 21.

Psal. 116.

Apoc. 14.

1 Cor. 15.
1. Thess. 4

Aug Ep. 7.

das wieder komen macht / das ich scheydens nicht
acht/ Also saget D. Augustinus Epist. 7. Wir
werden die vnsern wieder sehen/ an dem orth / da
die jenigen desto lieber seyn werden / de vns allhie
bekandt gewesen .

Der Allmechtige/ Barm-

hertzige getrewe fromme Gott/ der Trost
aller Trawrien/ die sterck aller schwachen/ die ruh
aller müden/ die erquickung aller beladenen/ wölle
vmb seines gelibten Sones willen/ diesen Trost/
mit dem heiligen Geist in E. F. G. hochbeküm-
mertem hertzen versigeln/ in irer schwachheit kreff-
tig sein/ ire ohnmacht/ mit seiner Allmacht/ aller
gnedigst oberrück tragen/ vnd ja E. F. G. nicht
allein iren Land vnd Leuten/ sondern auch/ der
gantzen Christlichen Kirchen / als einen besondern
Patron/ vnd Nutricium zu trost vnd freud / bey
langwirtem leben/ Fürslichem wolstandt/ vnd frö-
licher Leibes gesundtheit erhalten/ Amen. Hiemit
befehl ich E. F. G. vnd derselbeen hertzgeliebten
Gemahlin ich dem lieben getrewen Gott/ zu be-
warung für allem vbel. Datum Bilsfeld. Anno
Christi Saluatoris nostri 92. den 24. Januarij
stilo nouo.

E. F. G.

Vnterdienstwilliger

M. Attelarius Erhitræus

Vnflöbius,

Die

Folget

Die selige Ab-

scheidschrift des Durchlauch-
tigen Hochgebornen Fürsten vnd Herren/ Herren
Wilhelms Hertzogen zu Gullich/ Cleue vñ Berg/
Graffen zu der Mark/ vnd Rauensberg/ Herren
zu Rauenstein/ 2c. Welcher Anno 92. den
5. Januarij des abens vmb 10.
vhr / stylo nouo/ zu Düffel-
dorff in Christo selig
entschlaffen.

Wilhelm ein Fürst zu Gullich war

Hat wol Regirt bey 75. Jahr.
Christlich von jugent hat gelebt /
In Gottes furcht sich stets geübt.
Ein ehrlicher Fürst vnd dapffer Man/
Allein der warheit zugethan.
Warglückselig/ weiß/ from vnd gut /
Ein freundlicher Fürst an sinn vnd mut.
Dem fried vnd der einigkheit/
Ein Geul der lieben Christenheit.
Gottes seligmachendes wort /
Hat er von hertzen gern gehört.
Kirchen/ Schuel/ vnd Hospitall/
In sein Land gebawt vberall.

E

Der

Der tugent schutz/der bößheit schew/
Des Jungheren trost/des Landes trew/
Zu Gülich ein Hertzog genant/
Teutscher Nation wol bekant/
Sein Land vor Auffruhr wol behud/
Wie ein fromer Fürst billich thut/
Drum er auch must manch gfar außstehn
Vnd viel hasß lassen vber sich gehn /
Welchs alles er standhaffrich leyd/
Vnd tröstet sich der seligkeyt/
Die Christus den thut bieten an/
Die seiuet halb verfolgung han /
Die warheit liebt er allzeyt sehr/
Vnd bzeigt der tugent stettigs ehr.
Denn er war aller tugent voll /
Die ein Fürste nur haben soll/
Drumb gab im Gott groß glück darzu/
Das er lang herrscht in fried vnd thu/
Was er zusagt das hilt er stet/
Drumb er auch solchen glauben heit/
Das man im mehr gleubt auffswort bloß/
Denn auff manch Brieff vnd Sigel groß/
Erinder noch Spiler war er nit/
Wie leyder jetzt ist vieler sitt/
Keins prachts thet er sich nicht bekleissn/
So waren auch sein wort nicht gleissn/
Wie sein hertz/so war sein red/
Gott geb wen es verdrissen thet /
Sanfftmütig/mild/Gottfurchtig war/
Des Vaterlandes Vater war/

Gern

Gern arm vnd reich erhört allzeyt/
Liebt fried vnd die gerechtigkeit/
In sum er war gantz lobens werd/
Sein Vnterthan nicht gern beschwerd.
Vstendig war er in alln dingen/
Liß sich wedr lieb noch leyd zwingen.
Auch sich das glück keyn stolz erweckn/
Za vnglück nie seyn hertz erschredn.
Sondern war zu beydr zeit gleichs muts/
Vnd vbrhub sich nimas seinsguts.
Ließ mentiglich bey gleich vnd recht/
Vnd nimand keyne last aufflegt.
Sonderlich seine Vnterthan/
Von im keyn bschwerung theten han.
Manch vnfried halff im Reich erwehrrn/
Vnd manchen anschlag wiederlern.
Ob man im solchs nicht danckbar ist/
Sondern darfür viel has zu mist.
So wird doch eins kommen die zeyt/
Das manchem solchs wird werden leyd.
Als dan wird man erfahren frey/
Wie/vnd was er gewesen sey.
Weyl aber dieser zeyt die Welt/
Weder von Glaub noch ehr mehr hest.
Das solchs nicht lenger durfft sehn er/
So war zu Gott scheydn sein beger.
Seines todes manch hertz erschradt
Sonst auch manch trost dar nider lag.
Dis im gar sehr ging zu hertzen/
Vnd hatte darumb groß schmerzen.

Das

Das er sein g'rew Vnterthan all/
Zu dieser Welt verlassen soll/
Ach Gott laß sie dir befohlen seyn.
Vnd biß sie mit der gnaden dein.
Alim böß zu wehrn/mit lust zu thun/
Hat er/wo ihn Gott hett sehn lahn.
Nun nempt den willen für die that/
Weyl ihn Gott zu sich gfordert hat.
Er hat gsegnet die arge Welt /
Vnd ist jetzt da es im wolgfelt.
Den wen Gottes furcht/vñ wißheit schon
Ein warer glaub/der tugent Kron/
Ehemütiges hertz vnd warer mund/
Zucht/ehr/tugent vnd milde hand/
In dieser argen schänden Welt.
Vollig belohnung haben sölt.
So lebt nach heut on sorg vnd schmerz/
Wilhelm das hoch Fürstliche hertz.
Bey dem HErrn Christo Gottes Son/
Im ewigen Himlischen Thron.
Weyl aber Gott im Himel feyn/
Belohnen wil den Glauben rein.
So ruhet seliglich sein Leyb/
zu Düßeldorff bey seynem Weyb.
Die Seel siht Gott in seinem schoß/
In licht vnd frewd ohn vnterlaß.
Wer Christum kend/im gleubt vnd dient
Der ist selig vnd Gottes Kindt.
Stirbt nimmermehr/lebt ewiglich/
Vnd ist seyn Tod vnd lebendig .

Dar.

Darumb ihr lieben Vntherthan/
Weyl euch ewr Fürst sehr lieb thet han/
So folgt sein hinderlassen Son.
Ans Vaters statt den Haltern werd/
Vnd bey Leib im nicht wieder strebt/
So wird euch Gott zu aller zept/
Geben fried vnd einigkeyt.
Darzu nach diesem zeptlichen leb'n/
Die ewig Himlisch freude geb'n. Amen.

Hertzseuffzen-
ter Trost/ Herzog Wil-
helms zu Sulich im leben vnd
sterben zu Christo.

Sih Herr hie leid ein
schwach Person/
Dein altes Diener Simeon/
Der mit Fürstlichen sorgen vill/
Gewart hat auff dein letztes zill.
Vnd wegen Hochfürstlicher burt/
Gewündschet das es bald abend wird.
O Herr sih doch mein seufftzen an/
Vnd nim mich zu deinem Kinde an.
Denn ich bin der Welt alle satt/
Ja fast vertrossen laß vnd matt.
Hab müde arm vnd schwache hein/
Vnd hett gern ruh wens kund gesein.

Ich bitt HErr halt mich nicht mehr auff/
Nimm mich zu dir in Himmel nauff.
Gib mir verleub/ vnd lohn mir ab /
Mit einem Tuch vnd frischem Grab.
Vnd forder meinen Geist zu dir/
Lenger zu leben eckelt mir.
Denn hier auff diesem jamertal/
Ist nichts als trübsal angst vnd quall.
Vnd andt/ betrug/ list vnd gewalt/
Vnd viel beschwerung manigfalt.
Also/ das man ohn grosse klag/
Die ding nicht wol anschawen mag.
Von diesem spott des Teuffels groß/
Mach mich HErr Ihesu Christe los.
Vnd führ mich auß der eytelkeyt /
zur ewigen gerechtigkeit.
Gib mir die ewige frewd zu lohn/
Vnd nimm mich in des Himmels thron.
Amen das gsche vnd werde war/
Lass mich in fried von hinnen fahr.

Christlich bekennnis vnd
vnd Fürstliches hertzsehnlichs
Gebet.

Ich glaub gewiß HErr Ihesu Christ
Das du stark vnd Allmechtig bist.
Kannst jederm in sein hertz nein sehn
Vnd weißt all ding ehe sie geschen.
Dir ist all Herrschafft vnd gewalt/
Von deinem Vater zugefalt.
All Creaturen groß vnd klein/

Die müssen dir gehorsam seyn.
Du hast vnter vnd obr gericht/
Dhn deinen willen nichts geschicht.
Was du thust das ist wolgethan/
Dhn dich sich nichts begeben kan.
Darumb weyl du mein Gott vnd Herr /
Ewig regirest weith vnd ferr.
Vnd vbest durch dein Göttlich wort/
Was dir gefelt an allem ort.
Vnd hast darumb zugesagt/
Das wers im glauben auffdich wagt.
In grossen nöthen dir vertraut/
Dein Angesicht besucht vnd schawt.
Den wollestu in schwerer pein/
Bewaren vnd erhalten sein.
So kom ich itzo zu dir Gott;
Vnd bitte Herr vernim mein wort.
Denn grechter Gott ich lieg allhie /
Mir ist/ich weiß nicht selber wie .
Ich fühle vnd besorge sehr/
Das ich nicht werd lang leben mehr/
Mir ist vertruckt des hertzens safft/
Vnd empfinde keyn leibes krafft.
O Herr ich bitte steh mir bey /
Vnd mir all meine sünd verzieh.
Vnd sih auß gnaden ja nicht an /
Was ich mein lebtag hab gethan.
Sondern sih an den Herren Christ/
Der meinet halb gestorben ist.
Vnd der gantzen Welt missethat/
Mit seynem Blut versünet hat.

Umb seinet willen mich erquid/
Vnd diese meine krankheit schick.
zu deines Namens herrligkeyt/
Vnd zu meiner Seelns seligkeyt.
Doch bitt ich HErr wie dir's gefelt/
Schend mir das lebn in dieser Welt.
Vnd mich ein weyl noch leben laß /
Darmit ich dich erkenne bas.
Auch das mein junger Herr auff Erd/
zur Regierung was elter werd.
Vnd mein Vnterthan allerley/
Raht vnd that geb was nützlich sey.
Kan aber solches nicht gesein/
So kurtz mir doch des Todes pein.
Vnd meine Seel zur Himels strasß/
Durch deine Fugel führen laß.
So fern als ich dir's zugetraw/
Vnd Jesum deinen Son anschaw.
In welches Tod ich bin getaufft/
Vnd durch sein Blut von sünd erkaufft.
In diesen wunden rein vnd klar/
Leg ich mich Hertzog Wilhelm gar.
Vnd weiß das ich der Hellen schar/
Darinnen nicht beklagen dar.
Darauff ich frölich Amen sprech/
Vnd wer der Teuffel noch so frech.
Das helff mir Christe durch sein Blut/
Das mich von sünden waschen thut/
Amen.

Gedruckt zu Dörtmünd durch Arnt
Westhoff. Anno 92.

Nr 726.
5


ULB Halle 3
001 526 278




Sl.

[Handwritten signature]







Trostschrieffe/

An den Durchlau-

heigen/Hochgebornen Fursten
vnd Herren / Herren Johan Wilhelm /
Hertzogen zu Gultich/ Cleue vnd Berg / Grafen zu
der Mark/ vnd Rauensberg/ Herrn zu Rauenstein/ &c.
Welcher mit hochbekummertem gemute / vnd Fürstli-
chem betrubtem hertzen/ wegen des vnuersehen tod-
lichen abgangs / des Durchlauchtigen Hochgebornen
Christlichen Fursten vnd Herren/ Herren Wilhelms/
Hertzogen zu Gultich/ &c. seiner Fürstlichen gna-
den Herren Batters/ Christmister vnd
hochloblicher gedechtnis
beladen.

Der mit hertzlicher andacht /
Christlichem erkenntnis/ vnd bekentnis des HERREN
Christi/ seliger anruffung / vnd bestendiger hoffnung
der ewigen seligkeit. zu Dusseldorff an der heiligen
drey Konigen tag abend/ des sechsten Januarij/
stys nouo/ in Christo selig entschlaffen.
Bestelt zu trost vnd einem lang-
wirtenloblichen gedechtnis/
Durch

M. Metelarium Erhitteum Vnslobtum.



101

6.

